

妙法蓮華經

觀世音菩薩普門品第二十五

爾時無意菩薩。即從座起。徧袒

右肩。合掌向仏。而作是言。世尊。

觀世音菩薩以何因縁。名觀世音。

仏告無意菩薩。善男子。若有

無量百千萬億衆生。受諸

苦惱。聞是觀世音菩薩。一心称名。

觀世音菩薩。即時觀其音声。皆得

解脱。若有持是觀世音菩薩名者。

設入大火。火不能燒。由是菩薩

威神力故。若為大水所漂。称

其名号。即得浅处。若有百千萬億

衆生。為求金。銀。瑠璃。砗磲。

瑪瑙。珊瑚。琥珀。真珠等宝。入

於大海。仮使黒風吹其船舫。飄墮

羅刹鬼国。其中若有乃至一人称

觀世音菩薩名者。是諸人等。皆

得解脱羅刹之難。以是因縁。名

觀世音。若復有人。臨当被害。称

觀世音菩薩名者。彼所執刀杖。

尋段段壞。而得解脱。若

三千大千国土満中。夜叉羅刹。

欲來惱人。聞其称觀世音菩薩名

者。是諸惡鬼。尚不能以惡眼視之。

況復加害。設復有人。若有罪。

若無罪。枷械枷鎖。檢繫其身。称

觀世音菩薩名者。皆悉斷壞即

得解脱。若三千大千国土満中怨賊。

有一商主。將諸商人。齎持重宝。

經過險路。其中一人。作是唱言。

諸善男子。勿得恐怖。汝等应当

一心称觀世音菩薩名号。是菩薩。

能以無畏。施於衆生。汝等若

称名者。於此怨賊。当得解脱。

衆商人聞。俱发声言。南無

觀世音菩薩。称其名号。即得解脱。

無尽意。觀世音菩薩摩訶薩。

威神之力。巍巍如是。若有衆生。

多於淫欲。常念恭敬觀世音菩薩。

便得離欲。若多瞋恚。常念恭敬

觀世音菩薩。便得離瞋。若多愚痴。

常念恭敬觀世音菩薩。便得離痴。

無尽意。觀世音菩薩。有如是等

大威神力。多所饒益。是故衆生。

常安心念。若有女人。設欲求男。

禮拜供養觀世音菩薩。便生

福德智慧之男。設欲求女。

便生端正有相之女。宿植德本。

衆人愛敬。無尽意。觀世音菩薩。

有如是力。若有衆生。恭敬禮拜

觀世音菩薩。福不唐捐。是故衆生。

皆心受持觀世音菩薩名号。無尽意。

若有人。受持六十二億恒河沙菩薩

名字。復尽形供養飲食。衣服。

臥具。医薬。於汝意云何。

是善男子。善女人。功德多不。

無尽意言。甚多。世尊。仏言。若復

有人。受持觀世音菩薩名号。

乃至一時禮拜供養。是二人福。

正等無異。於百千万億劫。

不可窮尽。無尽意。受持觀世音菩薩

名号。得如は無量無辺。福德之利。

無尽意菩薩。白仏言。世尊。觀世音菩薩。云何遊此娑婆世界。云何

而為衆生説法。方便之力。

其事云何。仏告無尽意菩薩。善男子。

若有国土衆生。應以仏身得度者。

觀世音菩薩。即現仏身。而為説法。

應以辟支仏身得度者。即現

辟支仏身。而為説法。應以声聞身

得度者。即現声聞身。而為説法。

應以梵王身得度者。即現梵王身。

而為説法。應以帝釈身得度者。即現

帝釈身。而為説法。應以自在天身

得度者。即現自在天身。而為説法。

應以大自在天身得度者。即現

大自在天身。而為説法。應以

天大将軍身得度者。即現

天大将軍身。而為説法。應以

毘沙門身得度者。即現毘沙門身。

而為説法。應以小王身得度者。即現

小王身。而為説法。應以長者身

得度者。即現長者身。而為説法。

應以居士身得度者。即現居士身。

而為説法。應以宰官身得度者。即現

宰官身。而為説法。應以婆羅門身

得度者。即現婆羅門身。而為説法。

應以比丘比丘尼優婆塞優婆夷身

得度者。即現比丘比丘尼。優婆塞

優婆夷身。而為説法。應以長者

居士。宰官。婆羅門。婦女身。

得度者。即現婦女身。而為説法。

應以童男。童女身得度者。即現

童男。童女身。而為説法。應以天

童。夜叉。乾闥婆。阿修羅。

迦樓羅。緊那羅。摩睺羅伽。

人非人等身得度者。即皆現之。

而為説法。應以執金剛神得度者。

即現執金剛神。而為説法。無尽意。

是觀世音菩薩。成就如是功德。

以種種形。遊諸国土。度脱衆生。

是故汝等。應當一心

供養觀世音菩薩。是觀世音菩薩

摩訶薩。於怖畏急難之中。

能施無畏。是故此娑婆世界。皆号之為施無畏者。無尽意菩薩。白仏言。世尊。我今當供養

観世音菩薩。即解頸衆宝珠瓔珞。  
価直百千両金。而以与之。  
作是言。仁者。受此法施。珍宝  
瓔珞。時觀世音菩薩。不肯受之。  
無尽意。復白觀世音菩薩言。仁者。  
愍我等故。受此瓔珞。爾時仏告  
観世音菩薩。当愍此無尽意菩薩。及  
四衆。天。竜。夜叉。乾闥婆。  
阿修羅。迦楼羅。緊那羅。  
摩睺羅伽。人非人等故。受是瓔珞。  
即時観世音菩薩。愍諸四衆。  
及於天。竜。人非人等。受其瓔珞。  
分作二分。一分奉釈迦牟尼仏。  
一分奉多宝仏塔。無尽意。  
観世音菩薩。有如是自在神力。遊於  
娑婆世界。爾時無尽意菩薩。以偈  
問曰。

世尊妙相具  
我今重問彼  
仏子何因縁  
名爲觀世音  
具足妙相尊  
偈答意無尽意  
汝聽觀音行  
善応諸方所  
弘誓深如海  
歴劫不思議  
侍多千億仏  
発大清淨願  
我爲汝略説  
聞名及見身  
心念不空過  
能滅諸有苦  
假使興害意  
推落大火坑

念彼觀音力  
火坑變成池  
或漂流巨海  
竜魚諸鬼難  
念彼觀音力  
波浪不能没  
或在須弥峯  
爲人所推墮  
念彼觀音力  
如日虚空住  
或被惡人逐  
墮落金剛山  
念彼觀音力  
不能損一毛  
或值怨賊繞  
各執刀加害  
念彼觀音力  
咸即起慈心

或遭王難苦  
臨刑欲壽終  
念彼觀音力  
刀尋段段壞  
或囚禁枷鎖  
手足被柱械  
念彼觀音力  
釈然得解脫  
咒詛諸毒藥  
所欲害身者  
念彼觀音力  
還著於本人  
或遇惡羅刹  
毒竜諸鬼等  
念彼觀音力  
時悉不敢害  
若惡獸困繞  
利牙爪可怖

念彼觀音力  
疾走無辺方  
虵蛇及蝮蠍  
氣毒煙火燃  
念彼觀音力  
尋声自回去  
雲雷鼓掣電  
降雹澍大雨  
念彼觀音力  
応時得消散  
衆生被困厄  
無量苦逼身  
観音妙智力  
能救世間苦  
具足神通力  
広修智方便  
十方諸国土  
無刹不現身

種種諸惡趣

地獄鬼畜生

生老病死苦

以漸悉令滅

真觀清淨觀

廣大智慧觀

悲觀及慈觀

常願常瞻仰

無垢清淨光

慧日破諸闇

能伏災風火

普明照世間

悲体戒雷震

慈意妙大雲

澍甘露法雨

滅除煩惱燄

諍訟經官処

怖畏軍陣中

念彼觀音力

衆怨悉退散

妙音觀世音

梵音海潮音

勝彼世間音

是故須常念

念念勿生疑

觀世音淨聖

於苦惱死厄

能為作依怙

具一切功德

慈眼視衆生

福聚海無量

是故応頂礼

爾時。持地菩薩。即從座起。前白

仏言。世尊。若有衆生。聞是

觀世音菩薩品。自在之業。普門示現。神通力者。当知是人。

功德不少。仏説是普門品時。衆中

八万四千衆生。皆發無等等。

阿耨多羅三藐三菩提心。